

ք.Երևան

03 մարտի 2022թ.

«Հայաստանի հեռուստատեսային և ռադիոհաղորդիչ ցանց» փակ բաժնետիրական ընկերությունն, ի դեմս գլխավոր տնօրեն Մ. Միլիտոնյանի, ով գործում է ընկերության կանոնադրության հիման վրա, այսուհետ՝ «Պատվիրատու», մի կողմից և «Նորմակոմ» ՍՊ ընկերությունն, ի դեմս տնօրեն Ն.Յուլյանի, ով գործում է ընկերության կանոնադրության հիման վրա, այսուհետ՝ «Կատարող», կողմից, կնքեցին սույն պայմանագիրը, այսուհետ՝ «Պայմանագիր», հետևյալի մասին.

### 1. ՊԱՅՄԱՆԱԳՐԻ ԱՌԱՐԿԱՆ

- 1.1. Պայմանագիրը կարգավորում է Պատվիրատուի և Կատարողի միջև հարաբերությունները ք.Երևան Նորք, Գ. Հովսեփյան 95 գտնվող Պատվիրատուին պատկանող **1-ին տեխնիկական մասնաշենքի հրդեհային ահազանգման համակարգի (ՀԱՀ)** ստուգման, թերությունների արձանագրման և դրանց վերացման առաջարկի ձևավորման աշխատանքներում:
- 1.2. Աշխատանքների կատարման համար հիմք են հանդիսանում Պատվիրատուի կողմից տրամադրվող առկա ՀԱՀ նախագիծը:
- 1.3. Կատարողը իրագործում է Պայմանագրի 1.1 և 1.2 կետերում նշված աշխատանքները ղեկավարվելով այն ցուցումներով, որոնք տրամադրվում են Պատվիրատուի կողմից:
- 1.4. Կատարողը աշխատանքների արդյունքները ներկայացնում է Պատվիրատուին՝ համաձայն սույն Պայմանագրի Հավելված 1-ի:
- 1.5. Թերությունների վերացման համար գնային առաջարկը և ժամկետները ներկայացվում են հավելյալ:

### 2. ԿԱՏԱՐՄԱՆ ԺԱՄԿԵՏՆԵՐԸ

- 2.1. Պայմանագրով նախատեսված աշխատանքները կատարվում են 10 /տաս/ աշխատանքային օրվա ընթացքում սկսած Պայմանագրի կնքման օրվանից:
- 2.2. Կատարողը իրավասու է Պատվիրատուի համաձայնությամբ ժամանակից շուտ հանձնել աշխատանքը ամբողջությամբ: Պատվիրատուն ընդունում և վարձատրում է այդպիսի աշխատանքը Պայմանագրով նախատեսված ամբողջ ծավալով:

### 3. ԱՇԽԱՏԱՆՔԻ ԱՐԺԵՔԸ ԵՎ ՎՃԱՐՈՒՄՆԵՐԻ ԿԱՐԳԸ

- 3.1. Պայմանագրի համաձայն Պատվիրատուն վճարում է Կատարողին 1.1 և 1.2 կետերի աշխատանքների համար 210 000 (երկու հարյուր տասը հազար) ՀՀ դրամ, ներառյալ ԱԱՀ-ն՝ 35 000 (երեսունհինգ հազար) ՀՀ դրամ:
- 3.2. Կատարված աշխատանքների համար վճարումը իրականացվում է Պատվիրատուի կողմից փաստացի կատարված ծավալների երկկողմանի հաստատված կատարողական ակտին համապատասխան ներկայացված հաշիվ ապրանքագրի հիման վրա 5 (հինգ) աշխատանքային օրվա ընթացքում:

3.3. Պայմանագրի ծավալից դուրս լրացուցիչ աշխատանքների համար կից կնքվում է հավելված, համապատասխան առաջադրանքով, աշխատանքի ծավալով և վճարման կարգով:

#### **4. ԱՇԽԱՏԱՆՔԻ ՀԱՆՁՄԱՆ ԵՎ ԸՆԴՈՒՆՄԱՆ ԿԱՐԳԸ**

- 4.1 Պատվիրատուի կողմից, ավարտված աշխատանքների ընդունումը իրականացվում է Կատարողի կողմից ներկայացվող կատարողական ակտի հիման վրա:
- 4.2 Պատվիրատուն պարտավոր է իր կողմից ստորագրված ակտը կամ աշխատանքների ընդունման հիմնավորված մերժումը ուղարկել 'Կատարողին' աշխատանքների կատարողական ակտի ստացման օրից 5 (հինգ) աշխատանքային օրվա ընթացքում:
- 4.3. Պատվիրատուի կողմից կատարված աշխատանքների հիմնավորված մերժման դեպքում կողմերը կազմում են երկկողմանի ակտ, որտեղ նշում են անհրաժեշտ վերափոխման աշխատանքները և ժամկետները:
- 4.4. Պատվիրատուն իրավասու է հսկել կատարվող աշխատանքների ընթացքը ու որակը:

#### **5. ԽՈՐՀՐԴԱՊԱՀՈՒԹՅԱՆ ՊԱՅՄԱՆՆԵՐԸ**

5.1. Աշխատանքների նպատակին, իմաստին և առանձնահատկությանը վերաբերվող տեխնիկական ամբողջ բովանդակությունը համարվում է առևտրային և ծառայողական գաղտնիք:

#### **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Պայմանագրով նախատեսված պարտավորությունների չկատարման կամ թերի կատարման դեպքում կողմերը կրում են պատասխանատվություն համաձայն ՀՀ օրենսդրության:

6.2. Կատարված աշխատանքների չհիմնավորված մերժման դեպքում Պատվիրատուն փոխհատուցում է Կատարողի վնասը, աշխատանքի փաստացի ծախսերի չափով:

6.3. Պայմանագրով նախատեսված 1.1 և 1.2 կետերի պարտավորությունների չկատարման դեպքում Կատարողը փոխհատուցում է Պատվիրատուի կրած վնասը:

6.4. Պայմանագրի պարտավորությունների անորակ կատարման դեպքում տուժած կողմի վնասի չափը որոշում է երկու կողմից հավասար քանակով ներկայացված հանձնաժողովը, անկախ փորձագետի մասնակցությամբ:

6.5. Վնասի չափի և փոխհատուցման կարգի անհամաձայնության դեպքում տուժած կողմը իրավասու է դիմել դատարան:

6.6. Աշխատանքների հաստատված ընդունման ժամկետը խախտելու դեպքում Պատվիրատուն Կատարողին տուգանք է վճարում կատարված աշխատանքների արժեքի 0.1%-ի չափով՝ ուշացված յուրաքանչյուր օրվա դիմաց:

6.7. Աշխատանքների կատարման հաստատված ժամկետը խախտելու դեպքում Կատարողը Պատվիրատուին տուգանք է վճարում կատարված աշխատանքների արժեքի 0.1%-ի չափով՝ ուշացված յուրաքանչյուր օրվա դիմաց:

6.8. Պայմանագրով պարտավորությունները չկատարելու կամ ոչ պատշաճ կատարելու համար կողմերը ազատվում են պատասխանատվությունից, եթե դրանք հետևանք են Ֆորս-մաժորային հանգամանքների:

## 7. ՊԱՅՄԱՆԱԳՐԻ ՎԱՎԵՐՈՒԹՅՈՒՆԸ

- 7.1. Պայմանագիրը վավեր է (ուժի մեջ է մտնում) կողմերի ստորագրման պահից:
- 7.2. Պայմանագրի բոլոր թերթերը կարվում և ստորագրությունները կնքվում են կողմերի կնիքներով:
- 7.3. Պայմանագիրը կնքվում է 2 /երկու/ օրինակից, որոնք ունեն հավասար իրավաբանական ուժ և յուրաքանչյուր կողմին տրվում է մեկական օրինակ:

## 8. ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՑԵՆԵՐԸ

### ՊԱՏՎԻՐԱՏՈՒ

ՀՀ, ք. Երևան, Նորք, Գ. Հովսեփյան 95  
«Ամերիաբանկ» ՓԲԸ  
Հ/Հ՝ 1570027609970100  
ՀՎՀՀ 01501898

Գլխավոր տնօրեն

Մ. Միլիտոնյան



### ԿԱՏԱՐՈՂ

ՀՀ, ք. Երևան, Մամիկոնյանց 48, գրաս. 2  
ԱՇԻԲ «Արաբկիր» մ/ճ  
Հ/Հ 2471200347530000  
ԱՇԻԲ «Արաբկիր» մ/ճ  
ՀՎՀՀ 00847633

Տնօրեն

Ն. Յուլյան



ԱԿՏ  
 ՀՐԴԵՀԱՅԻՆ ԱՀԱԶԱՆԳՄԱՆ ՀԱՄԱԿԱՐԳԻ ՄՏՈՒԳՄԱՆ ԱՇԽԱՏԱՆՔՆԵՐԻ ԱՐԴՅՈՒՆՔՆԵՐԻ

Հ/հ	Աշխատանքի անվանում	Արձանագրված թերություն	Թերության վերացման առաջարկ	Ծանոթագրություն
1				
2				
3				
?				

Կատարող  
 "ՆՈՐՄԱԿՈՄ" ՍՊԸ  
 Գտնվելու վայրը ք. Երևան, Մամիկոնյանց 48  
 ՀՎՀՀ 00847633

Պատվիրատու  
 «Հայաստանի հեռուստատեսային և ռադիոհաղորդիչ ցանց» ՓԲԸ  
 Գտնվելու վայրը ք. Երևան, Նորք, Գ. Հովսեփյան 95  
 ՀՎՀՀ 01501898

Տնօրեն \_\_\_\_\_ Լ. Յուլյան

Գլխավոր տնօրեն \_\_\_\_\_ Մ. Միլիտոնյան

Հանձնեց՝  
 Կոմերցիոն տնօրեն \_\_\_\_\_ ԴՊԱլվազյան  
 պաշտոն, անուն, ազգանուն  
 " " " 2022թ.

Ընդունեց՝  
 ԱՏ և ՏՀ անվտանգության ճարտարագետ  
 \_\_\_\_\_ Է. Խաչատրյան  
 պաշտոն, անուն, ազգանուն  
 " " " 2022թ.